



ծոյս<sup>5</sup>, Հայոց կաթողիկոս Գրիգոր Գ Պահլավունուն (1113—1166), թե՛ Գրիգոր Գ Տղային (1173—1193) նկատի ունի պատմիչը: Այս հարցում ուսումնասիրողների մոտ տարրեր կարծիքներ են ծագել:

Ղ. Ալիշանը Գրիգոր Գ Պահլավունու մասին գրելիս նշում է, որ նա հորդորիչ և մեկենաս եղավ իր մերձավոր և հեռավոր վարդապետների համար՝ «որոց մէջ համարուի ժամանակագիրն Սամուել երէց Անեցի», իսկ քիչ անց ավելացնում է. «Թէև սովորաբար ըսինք կարծուի, որ Սամուելը Գրիգորիսի յորդորմամբ գրած ըլլայ ժամանակագրութիւնը, այլ ինձ թուի թէ ոչ այնր, այլ Գր. Տղայոյ խնդրոյ գրած է, որոյ ժամանակն ալ կը դարձարցրնէ պատմութիւնը...»<sup>6</sup>, Գիտնականը ժամանակագրության ավարտի թվական է համարում 1177 թ.<sup>7</sup>:

Գ. Զարբհանալյանի կարծիքով Սամուելի շարադրանքը հասնում է մինչև 1179 թ., պատվիրատու է համարում Գրիգոր Գ Պահլավունուն<sup>8</sup>: Ա. Զամինյանն այս վերջին թվականի հետ համամիտ լինելով, Սամուելի երկրի պատվիրատու է կարծում Գրիգոր Տղային<sup>9</sup>: Մ. Արեղյանը չի կասկածում, որ ժամանակագրության պատվիրատուն Գրիգոր Գ Պահլավունին է, ավարտի թվական է նշում 1180-ը<sup>10</sup>, իսկ Հ. Աճառյանը տարակուսում է, թե Անեցին «գրել է Գրիգոր Գ (կամ Դ՞) կաթողիկոսի հորդորանքով»<sup>11</sup>: Ա. Առաքելյանը պատվիրատուին անվանում է Գրիգոր Պահլավունի (սովորաբար այսպես են կոչում Գրիգոր Գ-ին), նույն կերպ է դրում Լ. Բարայանը<sup>12</sup>, չնայած, որ մինչ այդ Գրիգոր Տղային է համարել Սամուելի հովանավոր<sup>13</sup>, ժամանակագրության վերջին թվականը 1180 թ. ընդունելով Գրիգոր Տղային պատվիրատու է համարում Ս. Մելիք-Բախշյանը<sup>14</sup>:

Ա. Տեր-Միքելյանը ժամանակագրության վերջին հիշատակությունը դրնում է 1180 թ. տակ (պատվիրատուի խնդրին չի անդրադառնում), ծանոթագրելով, որ այդ և նախորդ հիշատակության՝ 1176 թ. իրադարձությունը նշված է իր օգտագործած 12 ձեռագրերից միայն մեկում<sup>15</sup>:

Ինչպես տեսնում ենք տարակարծություններ կան թե՛ «Ժամանակագրության» ավարտման թվականի և թե՛ պատվիրատուի ինքնության հարցերում: Սամուելի աշխատությունը պարունակող ձեռագրերում դեպքերի թրվարկումը հասցված է մինչև Գրիգոր Տղայի աթոռակալության շրջանը: Հենց այս հանգամանքն էլ հիմք է տվել, որսխեսզի հիշյալ կաթողիկոսը ժամանակագրության պատվիրատու համարվի: Սակայն ինչպես երևում է բուն շարադրանքից, Անեցին առանձնահատուկ վերաբերմունք ունի հատկապես

5 Սամուել Անեցի, էջ 3, 51:

6 Ղ. Ալիշան. Շնորհալի և պարագայք իւր. Վենետիկ, 1873, էջ 121—122:

7 Նույն տեղում:

8 Գ. Զարբհանալյան. Պատմութիւն հայկական հին դպրութեան, Վենետիկ, 1886, էջ 600, 650—651: Տե՛ս նաև՝ Մ. Օրմանյան. Ազգապատում. հ. Ա, Պեյրուք, 1959, էջ 1394:

9 Ա. Զամինյան. Հայ գրականության պատմություն. մասն Ա, Նոր Նախիջևան, 1914, էջ 191: Տե՛ս նաև՝ Գրիգոր Տղա. Բանաստեղծություններ և պոեմներ (աշխատասիրութիւն մ. Մ. Մնացականյանի). Երևան, 1972, էջ 45:

10 Մ. Արեղյան. Երկեր. հ. Գ, Երևան, 1970, էջ 103:

11 Հ. Աճառյան. Հայոց անձնանունների բառարան. հ. Գ, Երևան, 1948, էջ 384:

12 Ա. Առաքելյան. Հայ ժողովրդի մտավոր մշակութի զարգացման պատմություն. հ. Ա, Երևան, 1959, էջ 458: Լ. Բարայան. Դրվագներ Հայաստանի զարգացած ֆեոդալիզմի դարաշրջանի պատմագրության. Երևան, 1981, էջ 177:

13 Հայ ժողովրդի պատմություն, հ. III, էջ 805:

14 Ս. Մելիք-Բախշյան. նշվ. աշխ., էջ 173:

15 Սամուել Անեցի, էջ ԻԸ, 139:

Գրիգոր Գ Պահլավունու նկատմամբ: Սկսած Գրիգոր Լուսավորչից մինչև իր ժամանակի հայրապետները պատմիչի կողմից հիշատակվում են, իր իսկ բնորոշումով, «կարճ ի կարճոյ» սկզբունքով և միայն Գրիգոր Պահլավունուն է գովարանական ձոն ուղղվում:

Այսպես, Լուսավորչի մասին գրում է՝ «Ի ժէ ամի Տրդատայ նստի յաթոռ առաքելոյն Թաղեոսի սուրբն Գրիգոր»<sup>16</sup>: Սարգիս Սևանցու մասին՝ «տէր

ՄՁԶ	ՄՁԶ	Թ	ՄՁԶ	
	ՄՁԶ	ԼԳ	ՄՁԶ	
	ՄՁԶ	ԼԳ	ՄՁԶ	
	ՄՁԶ	ԼԳ	ՄՁԶ	
	ՄՁԶ	ԼԳ	ՄՁԶ	
ՄՁԷ	ՄՁԷ	ԼԳ	ՄՁԷ	
	ՄՁԷ	ԼԵ	ՄՁԷ	
	ՄՁԷ	ԼԶ	ՄՁԷ	
	ՄՁԷ	ԼԷ	ՄՁԷ	
ՄՁԸ	ՄՁԸ	ԼԶ	ՄՁԸ	
	ՄՁԸ	ԼԶ	ՄՁԸ	
	ՄՁԸ	ԼԶ	ՄՁԸ	
ՄՁԹ	ՄՁԹ	ԼԶ	ՄՁԹ	
	ՄՁԹ	ԼԶ	ՄՁԹ	
	ՄՁԹ	ԼԶ	ՄՁԹ	
	ՄՁԹ	ԼԶ	ՄՁԹ	

Սարգիս ամս ԻԴ»<sup>17</sup>, Գրիգոր Վկայասերի՝ «տէր Գրիգորիս ամս ժէ»<sup>18</sup>, Բարսեղ Անեցու՝ «ՈՁԾ տէր Բարսեղ ամս ԼԱ. նստաւ տէր Բարսեղ յաթոռ հայրապետութեան՝ որդի Վասակայ և զամենայն հակառակն հնազանդեցուցանէ»<sup>19</sup>: Եվ վերջապես Գրիգոր Գ Պահլավունու մասին գրում է. «Ի ՇԿԲ ամին վախճանեցաւ տէր Բարսեղ հայրապետն Հայոց և յաջորդէ զաստիճանն տէր Գրիգորիս մեծաշուք պատուով նստեալ յաթոռ վիճակի սրբոյն Գրիգորի Հայաստանեայցս Լուսավորչի. որ յազգէ նորին հարազատութեան ճանաչի: Եւ յաղագս աստուածընկալ և հոգիընկալ շնորհի ընկալելոյ և սրբական և մաքրափայլ վարուց պատուեալ փառաւորութեամբ, ոչ միայն ի մերազնեայ արանց, այլև յաւտարասեռ թագաւորաց և յիշխանաց. մանաւանդ ի Հոռմայեցոց թագաւորացն և պատրիարզացն: Սա շոգաւ ի քաղաքն սուրբ յԵրուսաղէմ (Գրիգոր Պահլավունին Երուսաղեմում զատկի տոնին և եկեղեցական ժողովի է մասնակցել 1142 թ.)<sup>20</sup> և անդ... իմացեալ զառատահոս ծաւա-

16 Ս ա մ ու ե լ Ա ն Ե ց ի, էջ 63:  
 17 Ն ու յ ն տ ե ղ ու մ, էջ 103:  
 18 Ն ու յ ն տ ե ղ ու մ, էջ 112:  
 19 Ն ու յ ն տ ե ղ ու մ, էջ 117:  
 20 Մ. Օ Ր մ ա ն յ ա ն. Ն շ Վ. ա շ խ., էջ 1367:

լումն աստուածային շնորհին ի վերայ հայրապետին, ազդն հոռմայեցույ... պատշաճագեղ տեսիլ մարմնոյն ծանեան և զհոգւոյն զեղեցկութիւն և... ուրախացան հաճելութեամբ և առաւել սէր հաստատեցին ընդ հայրապետին և ընդ ազգս մեր...»<sup>21</sup> և այլն: Համեմատությունը միանգամայն որոշակի է դարձնում Գրիգոր Գ Պահլավունու դերը համառոտաբան ժամանակագրի աշխատանքում: Սակայն ավելի կարևոր է, որ կաթողիկոսին նվիրված հիշյալ ընդարձակ հատվածից հետո, Անեցին ուղղակիորեն դիմում է նրան. «Բայց վասն զի գսկիզբն ամաց և յաջորդել առաջնորդութեան կամիմք տակալին նշանակել և այսպիսի յաջողուածք և այլ բարեբաղտութիւնք և գործք գործելիք զկնի ամաց արքստ արէ յաւելաւ... և աստանօր գայտսիկ ծանուցուի մերոյ նրամտնատուիւյ և պատուասիրի»<sup>22</sup>:

Այս պարբերության առկայությունը ստիպում է այլևս շտարակուսել, որ Սամուելի հովանավորն ու պատվիրատուն Գրիգոր Գ Պահլավունին է եղել: XII դարում Հայոց կաթողիկոսարանը քաղաքական անբարենպաստ պայմանների հետևանքով շարունակ տեղից տեղ էր փոխադրվում: Գրիգոր Պահլավունու ժամանակ այն Մովսէսի տեղափոխվեց Հոռմակա: Սակայն ուշագրավ է, որ Բարսեղ Անեցու հաջորդը լինելով, այս կաթողիկոսը նպատակ է ունեցել հաստատվել Անիի լքված կաթողիկոսարանում: Սամուելի վկայությունում նա մշտապես մտահոգված էր Անիի կացությամբ՝ «վասն իր սեփական աթոռոյս»<sup>23</sup>: Շեգրադյանների և վրացական թագավորության ընդհարումները, սակայն, թույլ չտվեցին, որպեսզի իրականանա Գրիգոր Պահլավունու ծրագիրը: Կաթողիկոսի՝ Անիի հետ կապվածության ուշագրավ դրսևորում է նաև քաղաքի Մայր տաճարի քահանա Սամուելին ժամանակագրություն պատվիրելը: Անեցու երկին անդրադարձողները սովորաբար տարակուսում են, թե ինչու է հեղինակը 1124 թ. Անիի ապստամբության նկատմամբ հիմնականում բացասաբար արտահայտվում, դրելով, որ քաղաքացիները «նենգեցին ամիրայն Աբլսուարայ...»<sup>24</sup>, նկատի չառնելով, որ հենց այդ ընդվզման հետևանքով պատերազմների անհանգիստ շրջան սկսվեց և ձախողվեց Գրիգոր Պահլավունու Անիում հաստատվելու մտադրությունը:

Այժմ հիորմենք պարզել, թե երբ է պատմիչն ավարտել իր աշխատանքը: Անեցու «Ժամանակագրության» առայժմ հայտնի ամենաձաղ ընդօրինակությունը ամփոփված է Մաշտոցի անվան Մատենադարանի № 5619 ժողովածուում (էջ 6 ա—108 ա), գրված՝ Արշարունիքի Կամրջաձորի վանքում, Ավետիս գրչի ձեռքով: Բարեբախտաբար հիշատակարանում նշված է գրչության թվականը. «Տառագծեցաւ այս յամառատ յայտարարութիւնք... Ի ՈՒՆ (1176) քուակաւութեանն Հայոց ի տիեզերահոշակ ուխտս Կամրջաձոր»<sup>25</sup>: Ժամանակագրության այս օրինակը ևս զերծ չէ հետագայի գրչական միջամտություններից, սակայն դրանք շատ փոքր թիվ են կազմում, գրված են Ավետիսի գրից միանգամայն տարբերվող ձեռագրով և մուգ դույնի թանաքով:

<sup>21</sup> Սամուել Անեցի, էջ 122—123, հմտ., ՄՄ, ձեռ. № 5619, էջ 101 բ—102 ա:

<sup>22</sup> Նույն տեղում, էջ 123, համապատասխանաբար՝ 102 ա—102 բ:

<sup>23</sup> Սամուել Անեցի, էջ 127: Այս կապակցությամբ Մ. Օրմանյանը գրում է, որ Գրիգորը «Բարսեղ Անեցի կաթողիկոսեն ներշնչալ՝ ովստ սիրոյ ունեռ վասն սեփական արքոսոյս և կը փափագեր զալ այսրէն Անիի աթոռ և այս նպատակով բանակցության ալ մտած էր Ապլսուարի հետ, երբ նա Մանուչիի հաջորդեց, որպեսզի նորա յօժար կամակցութեամբ այդ բանը կատարվեր»։ Մ. Օրմանյան, նշվ. աշխ., էջ 1362 (ընդգծումները հեղինակային են՝ Անեցու «Ժամանակագրությունից» քաղված):

<sup>24</sup> Սամուել Անեցի, էջ 25—27:

<sup>25</sup> ՄՄ, ձեռ. № 5619, էջ 108 ա, հմտ. Ե—ԺԲ դդ. հայերեն ձեռագրերի հիշատակարաններ, աշխատասիրությամբ Ա. Մաթևոսյանի, Երևան, 1988, էջ 219:

Մատյանում ժամանակագրությունն ավարտվում է 1173 թ.<sup>26</sup>։ Վերջին թերթի վրա զետեղված են հետևյալ հինգ հիշատակությունները.

ՈԺԲ (1163) Ապա զաւրաժողով լինեալ սուլտանն Խորասանա եկեալ ի դուռն քաղաքիս Անտյ և զարհուրեցոյց զրնակիչք սորա. յետ 1(30) աւուր գաղտագողի աղուևսաբար և հար զթագաւորն Գիրգի և զաւար նորա էառ և դարձաւ ի տեղի իւր:

(այսանեղ տողի երկու կողմից միագիծ բաժանարար կամ վերջնազարդ է դրված):

ՈԺԾ (1166) Վախճանի տէր Գրիգորէս և յաջորդէ զկնի նորա եղբայր նորուն տէր Ներսէս:

ՈԺԶ (1167) Աստ եղև շարժն Երզնկային:

ՈԺԷ (1168) Յայսմ ամի մեռաւ մեծ իշխանն Հայոց Թորոս:

ՈԻԲ (1173) Փսիսի մահուամբ առ Քրիստոս տէր Ներսէս և փոխանորդի զաթոռն տէր Գրիգոր Տղայ կոչեցեալն:

Վերջին հիշատակության մոտ, աղյուսակում գրված է. «Տէր Գրիգոր ամս Ի (20)»<sup>27</sup> (տե՛ս լուսանկարը), սակայն սա հետագայի հավելում է, որովհետև Գրիգոր Տղայի քսաներորդ տարին 1193 թ. է, իսկ Ավետիսը ձեռագիրն ընդօրինակել է 1176 թ.: Բնականաբար, Սամուելն էլ ժամանակագրությունը կազմել է Ավետիսի ընդօրինակությունից առաջ, ուստի նա ևս չէր կարող նշել Գրիգոր Տղայի աթոռակալության 20 տարիների մասին: Աղյուսակում տեղ գտած բոլորգիր և պատվագրված Ի-ն (ամս Ի) առանձնանում է թվական նշանակությամբ մյուս՝ երկաթագիր տառերից:

Ժամանակագրության այս հատվածին անդրադարձած Գ. Աբգարյանը վկայակոչված «Ի» թվականը հետագայի հավելում չհամարելով գտնում է, որ բուն ձեռագիրն է հետագայի գործ, գրելով. «Ավետիս գրչի ձեռքով գրված հիշատակարանը պատկանում է ոչ թե քննվող ձեռագրին (ՄՄ, № 5619), այլ արտադրված է Սամվել Անեցու ժամանակագրության 1176 թ. ընդօրինակված մի ձեռագրից, որը մեղ չի հասել: Այս ձեռագրից մեր ձեռագիրն արտագրված է ... առնվազն տասնինը տարի հետո՝ 1195 թ.»<sup>28</sup>, Ինչպես տեսնում ենք, Գրիգոր Տղայի աթոռակալության 20 տարիների նշումը պատճառ է դարձել ձեռագիրը Ավետիսի գործ չհամարելու ենթադրությանը, որը անհավանական է, քանի որ ժամանակագրությունն ու Ավետիսի հիշատակարանն արտագրելով կարծեցյալ գրիչը դժվար թե «մոռանար» իր հիշատակարանը գրել: Բայց եթե անգամ նման հնարավորությունը չբացառենք, միևնույն է, փաստն այն է, որ Ավետիսը ժամանակագրությունն ընդօրինակել է 1176 թ.:

Նկատենք, որ Կամրջաձորի ձեռագիրը ոչ միայն վաղեմությամբ, այլև օրինակի ստուգությամբ իր վրա է հրավիրել ուսումնասիրողների ուշադրությունը<sup>29</sup> և միանգամայն վստահելի աղբյուր է ժամանակագրության վերջին թվականը ճշտելու խնդրում: Այստեղ, ինչպես տեսանք, շարադրանքն ավարտվում է 1173 թ., որի տակ նշված է Ներսես կաթողիկոսի մահը և Գրիգոր Տղայի աթոռակալությունը: Նույն տեղեկությամբ և նույն թվականով է ավարտվում նաև XII դարի վերջերին Մխիթար Անեցու ձեռքով ձևավորված գրված

<sup>26</sup> ՄՄ, ձեռ. № 5619, էջ 107 ա: Հենվելով սույն ձեռագրի վրա՝ 1173 թ. «Ժամանակագրության» ավարտի թվական է համարում Ա. Մաթևոսյանը (Ե-ԺԲ դդ. հայերեն ձեռագրերի հիշատակարաններ, էջ 206):

<sup>27</sup> ՄՄ, ձեռ. № 5619, էջ 107 ա:

<sup>28</sup> Գ. Աբգարյան. Մատենագրական նորություններ. — ՀեՍՀ ԳԱ, «Տեղեկագիր» (հաս. գիտ.), 1964, № 1, էջ 84:

<sup>29</sup> Գ. Հովսեփյան. Հիշատակարանք ձեռագրաց. հ. Ա, Անթիլիաս, 1951, էջ 464: Մանր ժամանակագրություններ, XIII—XVIII դդ., կազմեց Վ. Հ. Հակոբյան. հ. Ա, Երևան, 1951, էջ 20: Գ. Աբգարյան. Հյուսիսային Հայաստանի և Վրաստանի ԺԲ դարի պատմության մի քանի հարցեր. Երևան, 1980, էջ 88 և այլն:

օրինակը (ՄՄ, ձեռ. № 3613, էջ 70 ր), Հաջորդ՝ 1174 թ. Անին երրորդ անգամ է դրավվում վրացիների կողմից: Քաղաքում բնակվող Մամուլը, որը շնայած հակիրճ շարադրանքին 1124 և 1161 թթ. Անիի նմանօրինակ դեպքերի մասին բազմաթիվ մանրամասներ է հաղորդում, իսկ վերջին՝ 1161 թ. իրադարձության նկարագրությունից հետո գրում է «և այսոքիկ ականատես եղաք մեք»<sup>30</sup>, չէր կարող լուծության մատենել 1174 թ. կատարված փաստը: Մակայն ո՛չ Կամրջաձորի ու Հոռոմոսի օրինակներում, ո՛չ էլ ժամանակագրության հետագայի ընդօրինակություններում այդ մասին ոչինչ չի ասվում: Հետևաբար թե՛ այս հանգամանքը, թե՛ Կամրջաձորի ու Հոռոմոսի օրինակներում ժամանակագրության 1173 թ. սահմանափակվելու իրողությունը բացառում են Մամուլի հեղինակային բնագրի ավելի ուշ ավարտված լինելու հնարավորությունը:

Մակայն Ավետիսի մատյանի որոշ մանրամասներից դատելով Անեցին ավելի վաղ է դադարեցրել իր աշխատանքը: Ձեռագրում ժամանակագրության վերջին էջի ուշադիր զննումից երևում է, որ 1163 թ. նշված դեպքի (Անիի 30-օրյա պաշարումը և վրաց Գեորգի III-ի անակնկալ պարտությունը) արձանագրումից հետո, սյունակի երկու կողմից դրված է ավարտ խորհրդանշող բաժանարար կամ վերջնազարդ: Այդ հատվածի տողերը գրված են ավելի խիտ, թանաքի համեմատաբար հաստ գծերով, իսկ վերջին բառերը (տեղի իւր) զետեղված են տողի կենտրոնում, ինչը սովորաբար արվում էր շարադրանքի վերջում (տե՛ս լուսանկարը): Գրչական աշխատանքի նըշված առանձնահատկությունները միայն մի բան են վկայում. որ այդտեղ ավարտվել է բուն բնագիրը: Կամ Ավետիսի ձեռքին եղած նախօրինակում նման վերջնազարդ է եղել, կամ գրիչն ինքն է այն դրել ցույց տալու համար Մամուլի երկի ավարտը: Ընդ որում ժամանակագրության այլ հատվածներում նման նշան չկա և նրա գոյությունը հենց նշված մասում, չէր կարող պատահականորեն լինել:

Հատկանշական է նաև, որ վերջնազարդին անմիջապես հաջորդող 1166 թ. վկայությունը, որը վերաբերում է Գրիգոր Գ Պահլավունու մահվանը և Ներսեսի աթոռակալությանը, այնքան պարզ ու անխռով է գրված (Վախճանի տէր Գրիգորէս և յաջորդէ զկնի նորա եղբայր նորուն տէր Ներսէս), որ դժվար թե պատկանած լինի վախճանված կաթողիկոսի պատվերը կատարողի գրչին: Անեցին աշխատության սկզբում ու միջնամասում երախտագիտություն մեծարելով իր վեհափառ հովանավորին, նրա մահը մի անկիրք նախադասությամբ չէր ներկայացնի: Մնում է ենթադրել, որ ժամանակագրության վերջին շորս վկայությունները այլ գրչի հավելում են, կատարված բավական վաղ: Դա երևում է նաև Կամրջաձորի ու Հոռոմոսի օրինակների համապատասխան հատվածների համեմատությունից: Եթե Ավետիսի մոտ 1163-ից հետո նշվում է Գրիգոր Պահլավունու մահը, որից հետո՝ Երզնկայի երկրաշարժը, ապա Մխիթար Անեցու մոտ ընդհակառակը, հիշատակվում է նախ երկրաշարժը: Ընդ որում նկատվում է, որ երկու գրիչներն էլ ոչ թե բառ առ բառ ընդօրինակել, այլ արձանագրել են փաստը համեմատաբար ազատ շարադրանքով: Առաջինը գրում է, որ Գրիգորի մահից հետո՝ «յաջորդէ զկնի նորա եղբայր նորուն տէր Ներսէս» (աղյուսակում՝ «տէր Ներսէս ամս է»)՝<sup>31</sup> իսկ երկրորդը գրում է՝ «...յաջորդէ զարուն եղբայրն Ներսէս ամս է»<sup>32</sup>:

Այսպիսով, մի կողմից Կամրջաձորի օրինակում 1163 թ. դեպքերի շարադրանքից հետո գրված ավարտ ազդարարող վերջնազարդը, մյուս կողմից՝ հաջորդ՝ 1166 թ. իրադարձության մատուցման աններդաշնակությունը աշ-

<sup>30</sup> Մամուլի Անեցի, էջ 137:

<sup>31</sup> ՄՄ, ձեռ., № 5619, էջ 107 ա:

<sup>32</sup> ՄՄ, ձեռ., № 3613, էջ 70 ր:

խատության ոգուն (և ընդհանրապես պատվիրատուի նկատմամբ ցուցաբերվող վերաբերմունքի ընդունված կարգին), ինչպես և բերված մյուս փաստարկները, թույլ են տալիս ենթադրել, որ Սամուել Անեցու «Ժամանակագրությունը» ավարտվել է 1163 թվականով:

Հնարավոր է, որ հարցի վերջնական ճշգրտումը կատարվի Անեցու երկրի համեմատական բնագրի ստեղծման ընթացքում, սակայն մի բան պարզ է, 1180-ը «Ժամանակագրության» ավարտի թվականը չէ, իսկ Կամրջածորի օրինակից դատելով, պատմիչի վերջին նշումը կատարվել է հենց 1163 թ. պատվիրատու Գրիգոր Գ Պահլավունու կենդանության օրոք:

#### ДАТА ОКОНЧАНИЯ «ХРОНОЛОГИИ» САМУЭЛА АНЕЦИ И ЕЕ ЗАКАЗЧИК

К. А. МАТЕВОСЯН

##### Резюме

В историографии окончательно не выяснен вопрос о том, до какого года доводит свою 'Хронологию' летописец XII века Самуэл Анеци. Существуют также разногласия о личности заказчика труда, католикос Григор III Пахлавуни (1113—1166) или Григор IV Тга (1173—1193). Конечной датой принято считать 1180 г., а заказчиком Григора Тга. В вопросе о заказчике определяющим является то, что лаконичный летописец посвящает подробный и хвалебный отрывок Григору III Пахлавуни и прямо обращается к нему как к повелителю. Самый ранний образец труда Самуэла исполнен в Камрджадзоре в 1176 году (Матенадаран № 5619). Естественно, что Хронология написана до этого. Кодикологический анализ последней страницы этой рукописи, где заканчивается текст Хронологии, а также некоторые другие данные позволяют считать датой окончания труда 1163 г.